



NOTIS POUR NOUVO REGILASYON 'PORT PASS'

Swivan bann nouvo regilasyon anba 'International Ship and Port Facility Security Code' ('ISPS Code') ki Lotorite Por Sesel pe enplimante lo bann fasilite portyer ki akey bato enternasyonal (Por Komersyal ou 'New Port', Vye Por, 'EU Quay', 'IPHS'), sa lotorite pe enform tou manm piblik an zeneral ki sa bann nouvo prosedir swivan pour ganny met an fors:

'Stevedore'

Tou bann dimoun ki angaze dan aktivite 'stevedore', zot pour bezwen annan zot prop 'Port Pass' pour akse tou bann por pour zot louvraz. Sa nouvo mezir pour vin an fors aparti Lendi le 17 Oktob 2022. Bann lazans 'stevedoring' fodre fer le neseseur pour fer sir ki Departman Sekirite por i resevwar tou bann lalis 'stevedores' ki sipoze vin travay lo sak por omwen 24 erdtan davans pour fasilite akse pour antre dan sa por.

Tou bann 'stevedore' i ganny demande pour pas kot lofis Lotorite Por Sesel ki baze kot Por Komersyal avek zot kart idantite nasyonal pour fer bann prosedir pour ganny zot 'port pass' ki kout selman SR150/- par lannen.

Bann mezir ki deza an plas par bann lazans 'stevedoring' tel ki fer sir zot annan zot prop vest sekirite letan zot pe antre dan por pour reste aplikab. Okenn 'stevedore' ki napa zot 'Port Pass' ek vest sekirite pa pour ganny permisyon pour antre dan por pour travay.

Piblik An Zeneral

Par kont, pour bann dimoun ki pe vinn fer okenn tranzaksyon dan okenn bann Por kin ganny mansyonnen oparavan, enkli bann ki vinn 'clear' zot container kot Por Komersyal, zot zot pour bezwen anmenn zot kart idantite ki zot pour kit avek sekirite por kot baro kot zot a ganny en 'Port Pass' viziter ki zot pour oblize atas lo zot depi avan ki zot antre dan por e a tou moman ki zot lo popriyete Lotorite Por Sesel. An sortan dan por, zot pour bezwen rann sa 'Port Pass' ek sekirite e zot kart idantite ava ganny rann. Sa enn prosedir pour pran lefe apartir Lendi le 3 Oktob 2022. Tou dimoun ki refize donn zot kart idantite kot baro pa pour ganny akse dan por.

Okenn dimoun ki ganny trouve san ki zot 'Port Pass' i atase klerman lo zot, i kapab ganny sanksyonnen avek en 'ban' pour pa akse tou bann por ki anba zirisdiksyon Lotorite Por Sesel. Sa i form parti bann prosedir e regilasyon kin ganny egzize par lalwa.

Akse pour zanfana par anba 18 an

Lotorite Por Sesel i osi oule enform tou manm piblik ki aparti Lendi le 3 Oktob 2022, okenn zanfana ki par anba 18an, pour napa dwa antre dan okenn fasilite portyer.

Mersi pour zot konprenezon.